

Ilanngussaq A-mi saqqummiunneqartut aallaavigalugit Sanaartornermi ilinniartoqarneq pillugu Namminersorlutik Oqartussat Nalunaarutaat nr. 10, 12. juli 2010-meersup nalimmassarneqarnissaanik Naalakkersuisut peqquneqarnissaat pillugu Inatsisartuni aalajangiiffigisassatut siunnersuut.

(Inatsisartunut ilaasortaq Bendt B. Kristiansen, Inuit Ataqatigiit)

Akissuteqaat

(Inuussutissarsiornermut, Suliffeqarnermut, Niuernermit Nukissiuuteqarnermullu Naalakkersuisoq)

Siullermeerneqarnera

Naalakkersuisut sinnerlugit Inatsisartunut ilaasortaq Bendt B. Kristiansen, Inuit Ataqatigiit, siunnersuummut, Naalakkersuisut assut iluarinartitaannut, qutsaviginiarpara.

Suliffimmi sungiusarfiit amerlanerit, ingammik illuliorlunilu sanaartortoqarfimmi pisariaqartitsisoqarpoq, taamaattumillu suliffimmi ilinniartunik sungiusartunillu atorfinitsitsinerni suliffeqarfiit pisortanilu oqartussat inuiaqatigiinnut akisussaaffigisaat pillugu Inatsisartut inatsisissaattut siunnersuut Naalakkersuisut sinnerlugit innersuussutigisinnaanera nuannaarutissartaqartippara.

Suliffeqarfeqarnermi susassaqaqatigiit soqutigisaqaqatigiinnillu allanik suleqatigiit ilaasortarpassuallip inassutigisaat tunngavigalugit pisortat neqeroortitsineranni suliffimmi ilinniartunik amerlanernik namminersuutigalugu suliffeqarfinnut kajumissaassutitut periutsit assigiinngitsut ilanngussorneqarput.

Ilaatigut pisortat neqeroortitsissutitut suliassap tunniunnerani suliffeqarfiup neqerooruteqartuusup suliffimmi ilinniartut sungiusartullu atorfinitsikkusutaata amerlassusaannik pisortani suliakkiisup pingaartuutitsissanera pillugu aalajangersakkamik ilanngussisoqarsimavoq. Tamatuma saniatigut ukiumoortumik aningaasanut inatsimmi oqaasertaliussakkut ukiumoortumik aalajangersarneqartunut anguniakkanut naleqqiullugit suliffimmi ilinniartunik amerlanernik atorfeqartitsisunut suliffeqarfinnut bonusisiassanik aaqqissuussaq ilanngunneqarpoq.

Ullormut oqaluuserisassap 26-p ataani siunnersuummik siuliani pineqartumik Naalakkersuisut saqqummiussereersimanerat innersuutigalugu siunnersuutip itigartitsissutiginnissaa inassutigineqarpoq.